



**REPUBLIKA E SHQIPERISE**  
**ENTI RREGULLATOR I ENERGJISE**

***VENDIM***

***Nr. 111 Datë 31.07.2012***

**MBI**  
**KAPACITETET E INTERKONJEKSIONEVE NE DREJTIMIN IMPORT**  
**PER MUAJIN GUSHT 2012**

Në mbështetje të nenit 8, pika 2, gërma ç, paragrafi ii, dhe 9, të Ligjit nr.9072, datë 22.05.2003, “Për Sektorin e Energjisë Elektrike”, të ndryshuar, ”, pikes 7, gërma b, të Modelit të Tregut të Energjisë Elektrike të miratuar me Vendimin e Këshillit të Ministrave Nr. 338, datë 19.3.2008, të ndryshuar, si dhe Kapitullit X, të Rregullave të Tregut Shqiptar të Energjisë Elektrike të miratuara nga ERE me Vendimin e Bordit të Komisionerëve nr.68, datë 23.6.2008, Bordi i Komisionerëve të ERE-s në mbledhjen e tij të datës 31.07.2012, mbasi shqyrtoi kërkesën e shoqërisë CEZ Shpërndarje sh.a me nr.4387 Prot, date 13.07.2012 dhe nr. 4387/1 Prot, date 20.07.2012, si dhe relacionin e Drejtorisë Juridike dhe Mbrojtjes së Konsumatorit dhe Drejtorisë së Licensimit dhe Monitorimit të Tregut,

**Konstaton:**

- Nivelet e uleta te te rezervës hidrike ne kaskaden e lumit Drin si dhe basenet e tjera te HEC-eve qe operojnë ne vendin tone. Sipas komunikimit nga KESH sh.a me shkresen nr. 2922 date 2.07.2012, KESH sh.a ka paraprallmeruar se niveli i i ujit ne liqenin e Fierzes pritet te shkoje ne nivelin 280 meter dhe ne fund te muajit Gusht te shkoj ne 265 meter, nivele kete qe bejne te pamundur garantimin e furnizimit me energji elektrike te konsumatoreve ne periudhen ne vijim.
- Aktualisht CEZ Shpërndarje eshte subjekt i pergjegjesise per te mbuluar humbjet, jo vetem per muajin aktual dhe ne vijim, por edhe per edhe per periudhen pararendëse si pasoje e mbulimit te ketyre humbjeve nga ana e KESH sh.a. dhe sa me siper reflekton ne nje rritje te kërkesës për energji dhe si te tille te sasisë se energjise elektrike për tu importuar nga kjo kompani.

- Pretendimi i paraqitur nga ana e CEZ shperndarje per tendence te bllokimit te kapaciteteve nga tregtaret te cilet nuk rezultojne te kene kontrata efektive dhe praktikisht nuk perdoren ose spekulohet permes cmimeve shume te larta ne shitjen e enrgjise elektrike, nuk eshte vertetuar nga asnje dokument provues te depozituar nga CEZ Shperndarje.
- Nga komunikimet me OST rezulton se ka leshuar faturat perkatese tregtareve per ankandin vjetor dhe mujor (Gusht) dhe deri me tani rezulton te jene kryer disa pagesa si per kapacitet vjetore ashtu edhe per ato te muajit Gusht.
- Rezulton se per muajin Gusht nga ankandi vjetor jane alokuar ne drejtimin import kufiri Shqiperi – Kosove 105 MW per periudhen 1-3 Gusht, ndersa per periudhen 4-20 Gusht jane alokuar 25 MW nga tenderi vjetor. Per periudhen 21-31 Gusht jane alokuar 105 MW. Per periudhen 1-3 Gusht CEZ Shperndarje ka blere kapacitete prej 10 MW. Per periudhen 4 – 20 Gusht duke qene se jane alokuar vetem 25 MW nga 105 te mundshme rezulton nje diference prej 80 MW te lira te cilat mund ti vihen ne dispozicion kompanise CEZ Shperndarje per te siguruar furnizimin e konsumatoreve tarifore. Per periudhen 21-31 Gusht nuk rezulton te kete kapacitete te lira te parezervuara.
- Persa i perket kufirit Shqiperi - Mali i Zi ku NTC eshte 175 MW rezulton te jete alokuar i gjithe kapaciteti qe i korrespondon muajit Gusht dhe ku CEZ Shperndarje ka rezervuar 35 MW.
- Ne kushtet kur jane leshuar te gjitha faturat tatimore nga ana e OST dhe jane kryer pagesa nga ana e tregtareve dhe nuk verehet abuzim me kapacitetet nga ana e tyre e konsiderojme te papershtatshme anulimet e ankandit vjetor/mujor i cili mund te shoqerohej me kosto te tilla si demshperblimet e kerkuara nga tregtaret per kapacitetet e blera.
- Sa me siper CEZ Shperndarje referuar dhe rekomandimit te Sekretariatit te Vjenes ti alokohet kapaciteti i mbetur nga periudha 4 – 20 Gusht me qellim qe te siguroje furnizimin pa nderprerje te konsumatoreve tarifore.
- Per te shmangur spekulime te mundshme me kapacitetet e lakouara, sikurse rekomondon dhe Sekretariati behet e nevojshme nderhyrja ne rregullat e alokimit te kapaciteteve duke vendosur kete parim edhe persa i perket kapaciteteve mujore duke vendosur ne kete menyre detyrimin e nominimit te kapaciteteve per muajin **n** ne muajin **n-1**.

Për gjithë sa më sipër, me qellim mos cenimin e furnizimit pa ndërprerje me energji elektrike te konsumatoreve te energjisë elektrike (tarifore dhe te kualifikuar), Bordi i Komisionerëve,

## Vendosi:

- 1- Alokimin për CEZ Shpërndarje sh.a te kapaciteteve te interkonjeksionit te mbetura te lira qe i korrespondojne periudhes 4 – 20 Gusht 2012 ne kufirin Shqipëri – Kosove, dhe kapacitetit 80 MW, për mbulimin e humbjeve ne rrjetin e shpërndarjes.
- 2- Drejtoria Juridike dhe Mbrojtjes së Konsumatorit të njoftojë shoqërinë OST sh.a, për vendimin e Bordit të Komisionerëve.

Ky vendim hyn në fuqi menjëherë.

Ky vendim botohet në Fletoren Zyrtare.